



**ATASSUT**

**UKA 2016/45**

**Steen Lynge**

**14. 10. 2016**

**Naalackersuisut UKA2017mut eqqumiitsuliortut suliaminnik pilersitsilertuinissaanut aningaasanik inatsimmit tunniunneqartartut pillugit aningaasaateqarfimmik pineqartunik agguaassisussatut inissinneqartussatut atugassiamik aningaasaateqarfiliornissaq anguniarlugu periarfissaasinnaasunik misissuinissamut Naalackersuisut UKA2017mut peqquneqarnissaanik Inatsisartunut aalajangiiffigisatut siunnersuut. Misissuininermi ilanngullugu misissorneqassaaq eqqumiitsuliornermut isumalioqatigiissitamik pilersitsinissaq qulaani taaneqartunik aningaasaliissutinik agguaassinissamik ingerlatsiviusussamik piviusunngortinneqarnissaa.**

(Inatsisartunut ilaasorta, Peter Olsen, Inuit Ataqatigiit)

Atassut-mit soqutigintartumik siunnersuuteqarneranut siunnersuuteqartoq Peter Olsen, IA-meersoq qutsavigissavarput.

Atassut-mit pingaartitaraarput nunatta eqqumiitsuliornikkut suliaqartunut sinaakkuteqartitsinissaa. Eqqumiitsuliornerup inuiaqatigiit tarrarsortittapai. Eqqumiitsuliornikkut inuiaqatigiit pineqartut inuiaqatigiinnit allanit immikkut ilisarnaataat aammalu immikkoorutaat ersersinneqartarput.

Kulturi tassaavoq tulluusimaarutissaq, Inuiaqatigiit kikkuugaluarunik tulluusimaarlutik avammut kiinnertarnerannut kulturi aqutissaraat pingaarnarpaat. Kulturi aqutigalugu inuiaqatigiit assigiingitsut naapinnerminni ataqeqatigiillutik ilisarinneqatigiiffigisarpaat.

Atassut-mit kulturi-mik suliaqartut pitsaasunik sinaakkuteqartinneqarnissaannit suliniutit tamaasa tapersersortarparput.

Aningaasaateqarfimmik siunnersuut uani pineqartut Atassut-mit oqaasepassuit atornagit tamakkiisumik tapersersorparput.

Aningaasaateqarfiup ingerlannissaanut Atassut-mut pingaaruteqarpoq, Aningaasaateqarfiup ulluinnarni ingerlannerani ilisimasallit peqataatinneqarnissaa. Taakkulu ilisimassallit tassaasariaqarput ulluinnarni kulturip iluani suliaqartut. Taamaattoq Atassut-mit pingaartipparput, aningaasaateqarfiup pisortanit taperserneqartartup aamma siulersuisoqarnikkut pisortanit ilaasortaatitaqarnissaa.

Taamatut pingaartitsinitsinni qulakkeerneqarsinnaaqqullugu siunnersuisoqatigiit atituumik naliliisinnaanerit aammalu kammalaatersorsinnaanissaq ingalassimaarsinnaaqqullugu.

Taamatut tunngavilersorluta atassut-mit siunnersuutip ataatsimiitsitaliamut tunngavilersuutigut ilanngullugit nalilersungassanngorlugu ingerlateqqipparput.